


Pāremata Rangatahi 2025



He āheinga whanaketanga rangatahi hirahira te Pāremata Rangatahi, mō te 143 rangatahi puta noa i Aotearoa, kia kite wheako i te tukanga tōrangapū, ki te ako i te āhua o ngā mahi kāwanatanga, me te tū hei kanohi mō ō rātou hapori hei Mema Pāremata Rangatahi (MP), kia whai wāhi rānei hei mema Tira Pāpāho Rangatahi rānei.

He mea whakarite e Ministry of Youth Development (MYD) – Te Manatū Whakahiato Taiohi me te tautoko anō a Office of the Clerk of the House of Representatives – Te Tari o te Manahautū o te Whare Māngai hoki, ka whakarato arawātea te Pāremata Rangatahi 2025 ki ngā rangatahi kei waenga i te 16-24 tau ki te whakawhanake i ō rātou pūkenga hautū, te whakaawe i ngā whakataunga kāwanatanga, ā, ka rangona hoki ō rātou reo.

Ka tū te hōtaka Pāremata Rangatahi 2025 atu i te Mane, 28 o Āperira ki te Paraire, 29 o Ākuhata 2025, otirā ko te hui e rua rā te roa, ka tū hei te Tūrei te 01, me te Wenerei 02 o Hūrae ki te papa o te Pāremata ki Pōneke. Ka tū hoki te hui whakauru ki Pōneke ā te Mane, 30 o Hune, 2025.

Mā te hōtaka, whā marama te roa, e āhei ai ngā rangatahi o te motu ki te whai wāhi ki te mahi, kia rangona ō rātou reo mō ngā kaupapa me ngā take e kaingākautia ana e rātou.

Ka māaurau ngā rangatahi 16-18 tau (hei te Paraire, 28 o Pēpuere 2025) ki te tono ki te tū hei MP rangatahi, otirā ko ngā mema Tira Pāpāho Rangatahi, me 16-24 tau (hei te Paraire, 28 o Pēpuere 2025). Ka whakangungua ngā kaiwhakauru, ka tautokona te oranga, ka arahina hoki i runga i tō rātou huarahi.

Mēnā he pātai āu, ka hiahia mōhiohio anō, tēnā whakapā atu ki te tira whakahaere o te Pāremata Rangatahi 2025 ki ēnei kōwhiringa e whai ake nei:

Īmēra mai ki beheard@youthparliament.govt.nz.

Waea mai i waenga i te 9.00am ki te 5.00pm i ngā rā mahi ki 029 948 4067.

Mēnā he tangata turi koe, he uaua rānei te rongu, he turi me te kāpō, he uaua te kōrero, kei te hiahia noa rānei koe, ka taea e koe te patuhi mai ki 029 948 4067.

Me Pēhea te Tono

Ka tuwhera ngā tono katoa ā te Mane 03 o Pēpuere 2025 ā, ka kati ā te 12.00pm, Paraire, 28 o Pēpuere 2025.

Tukanga tono MP Rangatahi

Ka whakahaere ia MP i tāna ake tukanga tono ki te kōwhiri i tētahi MP Rangatahi. Kī te hiahia koe ki te tū hei kanohi mō tō hapori hei MP Rangatahi, i te tuatahi me whiriwhiri ko wai tō MP tūtata, ā, he aha tā rātou tukanga tono.

Pāwhiri ki konei (<https://www.parliament.nz/en/get-involved/have-your-say/contact-an-mp/>) ki te rapu i ētahi atu mōhiohio mō te rohe pōti me te rārangi o ngā MP, ā, me pēhea te whakapā atu. Ka taea hoki te tiro i ā rātou pae pāhopori kia kite mēnā kua whakaputaina ā rātou tukanga tono.

Puka Tono Tira Pāpāho Rangatahi

Ka kōwhiria e tētahi pae, atu ki te 20 rangatahi kia whai wāhi ake hei mema o te Tira Pāpāho Rangatahi. Ki te tono hei mema o te Tira Pāpāho Rangatahi, me whakakī i te puka tono. Ka kitea te hononga ki te tono tuihono ki te paetukutuku a te Pāremata Rangatahi 2025: (<https://www.myd.govt.nz/young-people/youth-parliament/youth-parliament-2025.html>).

Mēnā ko tō hiahia kē ko te tuku i tētahi tono ki te puka reo Māori i raro, tēnā whakakīhia tērā, ka īmēra ai ki beheard@youthparliament.govt.nz i mua o te rā kati.

Puka Tono Tira Pāpāho Rangatahi

Ki te tono hei mema o te Tira Pāpāho Rangatahi, me whakakī i tēnei puka tono, me te tuku i ēnei taipitopito:

Tō ingoa whānui	
Rā whānau	
Tō tūkapi mariu	
Wāhitau mēra	
Nama waea ā-kāinga	
Nama waea kawae	
Īmēra	
Ingoa o te kura, te whare wānanga, te whare ako, te wāhi mahi rānei	

Ngā mōhiohio me te whakaaetanga mātua/kaitiaki

Me rapu whakaaetanga ngā rangatahi kei raro i te 17 tau hei te 28 o Pēpuere 2025 i tētahi mātua, kaitiaki ā-ture rānei, e tono ai ki tētahi tūranga hei mema o te Tira Pāpāho Rangatahi.

Tēnā whakakīhia te wāhanga e whai ake nei mēnā kei raro koe i te 17 tau hei te Paraire, te 28 o Pēpuere 2025. Ka whakapā atu mātou ki tō matua/kaitiaki ina angitu ai tō tono.

Te ingoa o tētahi mātua, kaitiaki rānei	
Wāhitau īmēra	
Nama waea ā-kāinga	
Nama waea kawae	

Me whakautu ngā kaitono i ēnei pātai e toru:

He aha koe i tono ai kia tū hei mema o te Tira Pāpāho Rangatahi 2025? (atu ki te 250 kupu)

He aha koe e whakapono ana he kaitono pai koe mō tēnei tūranga? (atu ki te 250 kupu)

Me tuku taunakitanga ngā kaitono ki raro nei:

1. He Tātai Pūmanawa hou (CV), me ngā taipitopito whakapā matua mō ō kaitaunaki e rua.
2. Kia rua, neke atu rānei ngā tauira o ngā mahi, ā, ko tētahi o ēnei, he mea tuhi.
3. He whakaputanga o ō whakaaro, me tuku ā-tuhi (atu ki te 500 kupu) me tuku he ataata, he oro rānei (tahi ki te rua mineti te roa), mō tētahi o ngā kaupapa i raro nei:

He aha tētahi take ka whai pānga ki te rangatahi hei tiro tiro mā ngā mema Pāremata (MP), ā, he aha ai?

He pēhea nei te pai o ngā mahi a ngā MP ki te whakatau haere i ngā take hirahira ki te rangatahi? Me nui ake ā rātou mahi?

